

SARS e ipiletsa ho dikolo ho etsa kopo ya ho hlakola ngodiso ya VAT.

7 Phato 2026 – Ditshebeletso tsa Lekgetho tsa Afrika Borwa (SARS) di ipiletsa ho dikolo tse ngodisitsweng tlasa Molao wa Dikolo tsa Afrika Borwa tse ngodisitsweng ho ba barekisi ba VAT ho etsa kopo ya hlakolwa ha ngodiso ena ya bona ya VAT, ho latela phetoho ya molao e mabapi le ka moo VAT e sebetsang ka teng dikolong ho tloha ka la 1 Pherekong 2026.

Ho tloha letsatsing leo, diphepelo tsohle tse etswang ke dikolo ha di angwe ke VAT, ntle feela le haeba sekolo se etsa tsena mme e le tse welang tlasa mokgahlelo wa tsa thekolohelo. Kahoo, dikolo ha di a lokela ho lefisa VAT kapa hona ho hula lekgetho la ditjeo tsa tsona hodima diphepelo tse entsweng ho tloha ka la 1 Pherekong 2026 mme di tlameha ho lokisa dikgutliso dife kapa dife tsa VAT tse seng di entswe bakeng sa dinako tse letsatsi leo ebang seo se hlokeha.

Dikolo tsohle tse amehileng di tlameha ho tlatsa VAT123e – e leng foromo ya kopo ya ho hlakolwa ha ngodiso le ho hlahisa lebaka la tlhakolo e le le reng: “Diketsahalo tsohle tsa kgwebo di emisitswe ho tloha ka la 31 Tshitwe 2025”. Foromo ena e tlatsitsweng e tlameha ho romelwa ka imeile ho contactus@sars.gov.za ka sehlooho se reng: “VAT deregistration – Schools”. Ka nqa e nngwe, dikolo di ka etsa kopano ya ho se bonane sefahleho le sefahleho ka mokgwatshebetso o bitswang “SARS eBooking” le ho kgetha “Other” e le lebaka la mokgahlelo mmoho le “VAT and PAYE registration/deregistration” e le lebaka la kopo ya kopano ena.

Moo ho hlokehang hore ho lefuwe VAT ya ho tswa boikarabelong ba sena, dikolo di ka kenya kopo ya ditlhophiso tsa tefo mmoho le foromo ena ya VAT123e. SARS e tla hlakola ngodiso ya VAT hang feela ha ho tswa ho se ho tsebahaditswe mme ho lefilwe, kapa ka mora hore sekolo se ikobele ditlhophiso tsa tefo tseo ho dumellwanweng ka tsona le SARS.

Dikolo tse lakatsang ho dula di ngodisitswe e le barekisi ba VAT ho tse mabapi le diketsahalo tsa thekolohelo di tlameha ho fumana tiisetso e ngotsweng ya seo ho tswa ho Khomeshenara ka tsela ya ho etswa ha qeto.

Tataiso e nngwe e fumane websaeteng ya SARS tlasa:

- Tataiso ya Reference ya VAT – Dikolo tse tswang mokgwatshebetsona wa VAT; le
- Dikolo tse tswang mokgwatshebetsona wa VAT: Dipotso tse Botswang Hangata

Ho fumana lesedi le fetang lena, ka kopo ikopanye le SARSMedia@sars.gov.za.

KE PHETHO